

**Eigendtlliche Beschreibung**  
**Der strengen / langwirigen / bluti-**  
**gen / vnnnd fast vnerhoreten Belägerung der**  
**Statt Ostende / welche von dem Erzhertzog**  
**gen Alberto / 2c. in den Jahren 1601.**  
**1602. 1603. vnnnd 1604. belägert /**  
**vnd entlich erobert wor-**  
**den.**

**E**s möcht vielleicht jemand wunder nemen /  
warumb wir den sieghafften Thaten Seiner  
**E**xcellens / vnd Victorië so Gott diesen Ni-  
derlanden gnediglich verlehen / diese Belegerung  
benfügen vnnnd einverbleiben / sintemal diese Statt  
nicht von S. Excellens von Nassaw / sonderen von  
dem Erzhertzogen Alberto von Osterreich belägert /  
vnnnd entlich mit vnaussprechlichem kosten / verlust  
vieler tausend Menschen / zu geringem Nutz vnnnd  
Vorthail seiner Landen erobert worden. Jedoch  
wann jemand diese Belegerung wol vnnnd recht an-  
schauwet / vnnnd den ganken handel vnnnd Historiam  
derselben wol erwigt / vnd bis auff dz end zu außliset  
wirt er befinden vnnnd bekennen müssen daß diese Be-  
legerung den stand der Vereinigten Niderlanden  
sehr gefierckt / vnnnd derselben nicht nur eine / sonder  
etliche Victorien gleichsam geboren vnd an die hand  
geben / nicht allein in dem die Besatzung sich so lang  
vnnnd dapffer gewehrt / vnnnd dem Feind grossen Ab-  
bruch an Volk zugefügt / sonderen auch weil bey  
wehrender Belegerung S. Excellentie von Nassaws  
drey Stett / nemlich Rheinberck / Graue vnnnd  
Schlts